



الكاتب: سماح الهلالي  
أم الحبيب: شعر عامية  
تصميم الغلاف: محفوظ أحمد  
تدقيق وإخراج فني: الباشا عبدالباسط  
رقم الإيداع: 2017 / 22411

Facebook Page: دار بنت الزيات للنشر والتوزيع

E\_mail: bentelzayat1@gmail.com

Website: www.bentelzayat.tk

رئيس مجلس الإدارة / د. شاهنדה الزيات



جميع حقوق الطبع والنشر محفوظة ©

لدار بنت الزيات

المشهرة قانوناً بسجل تجاري رقم / 49351

أمر الحبيب

شعر عامية

سماح الهلالي

## (هذا الكتاب)

خطوة صغيرة في طريق لحلم طويل

هذه الكلمات يبلغ عمرها عمري

وقد حان وقت خروجها للنور

هذه حروفي

وهذا ما خطه قلبي

وهذا قلبي يتحدث

وهذه أنا اجتمعنا بين طيات هذا الكتاب

لنعبّر عننا وعن الكثير منكم

هذا الكتاب يحمل الكثير من المشاعر والأحاسيس

التي يحملها كل منا

فمنها الرومانسي ومنها الترفيبي ومنها الحزين ومنها الوطني ومنها الديني

ولا أنسى أبداً فضل الكثير ممن حولي

فلولا الله ثم دعمهم ما كنت بدأت

أهدي كلماتي وديواني الأول الذي يمثل لي ابني الأول



لداعمي وزوجي وابني وحببي الغالي  
صاحب الخلق الرفيع والقلب الكبير "إيهاب"  
وأمي صاحبة القلب العظيم  
فهي لي بحر لا يجف أبداً  
وأهديه لروح أبي حبيبي وعمي الذين أهدوني الحس الفني  
وأورثوني حب كل جميل  
وأهدي كتابي لإخوتي الذكور والإناث فهم سندي في دنياي  
أهديه لأبناء قلبي  
(فكل النساء يلدن من أرحامهن وأنا ألد بقلبي)  
أولاد إخوتي جميعاً  
وصديقاتي جميعهن كُنَّ خير داعماتٍ  
أهدي ديواني الأول لكل من يقرأ الآن هذه الحروف  
أهديك ديواني بكل ما فيه من حب



## من أكون؟

أنا من أكون؟

اسمع بقى أنا من أكون

تقدر تقول حيي ككون

هتعيش في قلب كله سكون

أقدر أكون بركان حنان

وأقدر أكون بركان غضب

يحرق كمان كل اللي كان

أنا من أكون

أنا بحر فائض بالأمان

أنا نجمة صعبة المنال

أنا بامجي أي حزن دفين بين السنين

أنا زي زهرة قطفتها بإيديك كمان

بس نسيت إن المكان غير المكان



وان الزمان غير الزمان

أقول للزمان يرجع كذا!!!

يمكن بيجيلك الزمان

واياك تقول أرجع أنا

هامشي خلاص

وهاخذ كمان كل الحاجات الطيبة

واوعاك تقول أنا من أكون

\* \* \*



## يا حبيبي

سلام ع البنت الي سهرانة بتبي بويل

عشان عاشقة في قلب عليل

سلام ع دمعة منها تشق الليل

سلام عليك يا حبيبي

باشوف دمعة بتقتلني

باشوف حسرة في أيامك

وحسرة من جبان باعك

سلام على الصبر اللي يهد الحيل

سلام على الدمعة اللي توصف حزن 100 موال

سلام على القلب اللي حب قلوب باقفال

سلام يا غالية يا عفيفة

وسيبك م اللي شايفينك

سلعة بس ورخيصة

قلوب مرضانة وكفيفة

على عيني وجع قلبك



سيبك من اللي باع حبك  
ياحنية في وقت الضيق  
يا صاحبة بألف ألف صديق  
سلاااام عشان قلبي ماهوش ناقص  
تعب من مجتمع ناقص  
بيقفل ييجي مليون باب على أخته  
وينهش في بنات الناس

\* \* \*



## سلام

ما تضيعوش الحلو فينا  
ابقوا مرة ف يوم علينا  
ولا اقول لك طب سلام  
سلام على العشم اللي مات  
سلام على القلب اللي هذه الذكريات  
سلام عشان أقدر أعيش ولو وحيد  
سلام يا قلب أقوى ف غدره من الحديد

سلام

مش قلت انا حرّمت احب  
طب ليه باطب من الكلام اللي بحب  
سلام على السهر اللي دوب قلبي دووب  
سلام على حنين وشوق توبني توب  
سلام على اللي باقي من العشم وبلاش عتاب

\*\*\*



## أنا أسيرة

جريت أقدم السلام  
وسط موج م الكلام  
وشوق محاط بالملام  
فبلهفة قلب مديت كفوفي  
لكني كنت باداري خوفي  
حتى الدموع اللي ف عيوني  
رافضة تأكد لي ظنوني  
خايفة ليه وكاتمة صوتي  
كاتمة صوتي جوا ذاتي  
سامعة تهيدة في أهاتي  
حالفة ما تكون إلا ليك  
وتوصف الوجد اللي منك وبرضه ليك  
رافضة حد يحسني حتى مماتي  
عاشقة صوت الصمت منك  
باسمعه لوحدي ليلا تي



راضية بيه مالي حياتي  
فليه بتطلب تسمع الصرخة ف سكاتي  
عاوذة أصرخ برأ مني بس خوفا  
خلى صوتي جوا جوفي  
حتى جوفي حب هو كمان ظروفي  
حب يسمع صرختي  
صرختي صوتها ضعيف  
حتى تأثيرها خفيف  
زي دخان جاي من سيجارة بتتحرق  
أو نار بتمحي وبتاكل في قلب الورق  
وباضعف مني، اتسجنت جوا تاني  
والخوف أسرني  
وف ظلام الليل حبسني  
وانت جاي تلومني تاني  
وتقول العني فيّ الظروف  
اوعى تلعن ف الظروف  
أو تحس انك ضعيف



اللي فيَّ بس خوف  
الخلل جوايا جوًا  
والغريب إن الخلل من بعد قوة  
أنا كنت ساندة في يوم عليك  
وماسكة بقوة في إيديك  
فنادت الدنيا عليك  
سحبت إيديَّ من إيديك  
فجريت علمها وجريت عليك  
فجأة وقعت فانكسرت  
ومن نفسي تُهت وضعت  
ضحكوا عليَّ كلهم لما سألت  
هو حبيب؟؟ ولا غريب عليه هُنت؟؟  
ولا حلم حلمت بيه وصحيت وفُقت

\*\*\*



## يعني إيه؟

يعني إيه ابقى وحيدة ف وسط ناس كتير معايا؟

يعني إيه لما اتوجع، لما اتكسر، أكتم بكايا؟

يعني إيه لما ابقى محتاجة الونس، أسمع صدايا؟

وليه الفرح جوايا رافض يبات؟

واما أحاول ألمسه يمشي بسكات

ليه يعيش جوايا حزن ماضي فات

كل اللي باقي م الفرح يا دوب شوية ذكريات

صورة لضحكة جدتي بتحيي حس فرح مات

يا ما سمعت بعد ضحكتها أحلى حكايات

عن ملة الأصحاب وحب الأهل ودفا الأخوات

بس اللي باقي م الفرح.... يا دوب حاجات باقية بطعم ذكريات!!!

\*\*\*



## أحمد ومينا

ولما جيت أندُه يا اخويا  
رد أحمد ويا مينا  
قلبنا والله واجعنا  
والوطن لساها جامعنا  
ليه بييدكو تشوهوا أجمل ما بيننا  
دا الغريب بيننا تالتنا  
احنا كنا دم واحد ولسا والله ما زلنا  
فخخ انت وانت فجّر حتى لو قطعتمو فينا  
طينة واحدة ... مية واحدة تروي فينا  
اسمع انت يا اللي فرحان من شتاتنا  
عمرنا ما في يوم هنضعف أو نكون بييديكو ضعنا  
في الشدائد كلنا بقلب واحد وحضن أرض جامع ما بيننا  
الي ما تعرفهوش يا جاهل مصر ساكنة في وريدنا  
مصرنا سر حياتنا

\*\*\*



## لو يسألوك

لو يسألوك عننا

قول يا ما في زينا

لكننا في حينا فُقنا حدود الوصف

وحضنا أحلامنا وهجرنا كل الخوف

وفي أرض غير الأرض بحقيقة عشناها

قصتنا دي قصة معجونة بمشاعر

ولا تتوصف بثناء ولا حتى من شاعر

بيحكي بيها القلب ويقول بإيه شاعر

لو يسألوك ازاي في آمالنا لملمنا

قول يا ما سلمنا للبعد أحلامنا

لكن النصيب غلاب جمع وقرينا



استنوا أحيي لُكم عن كل إحساسي  
في قربه شفت أمان نساني فين ناسي  
أغناني دفا حضنه عن كل أوطاني  
دعيت في يوم دعوة فيقلبه أهداني  
نفسى ما يوم يبعد عن حضني وحناني..

\* \* \*



## هاكون ممنون

ولو كل الكلام منك جالي همس سكون

هاكون ممنون

باحبك م الألف للنون

يا فرحة لقلب كان محزون

يا منبع حب جوايا سنين مخزون

يا بسمة ساكنة ن عيون

يا بنت النور أخاف واخي فيك وأصون

أنا العاقل وانا المجنون

وانا العاشق وانا المفتون

أنا اللي هواك دوبي وخالاني أتوه في الكون

طلبت الفتوى من ناسي

رفضوا كلهم يفتوني

هاكون لك كون وادفيك

بقلب جفوني

\*\*\*



## في إشارة

تغيب وتروح وانا عاشقة ف تفاصيلك

أحس بالجفا أوقات لكني بكلمة باجري لكُ

باحن للحظة فيها حسيتني وحسيتك

باحن كمان للمسة إيد في سلاماتك

وهمسة بشوق بتختم بيها كلماتك

وضحكة برقة بتجيني فتحيني

باشوف لحظتها شوق الكون ف عيوني

وفرحة بحضن بيطفي الحنين والشوق

و يرجع عمري اللي كان مسروق

دا في غيابك كأني غريبة في بلادي

بدون ما اشعر لقيتني بامدّ لكُ إيدي



عشان أبدأ واعيش عمري كما عيدي

لكن فجأة صحيت من غفلة أخذتني

وأصوات ناس بتنهزني

أتاريني نسيت نفسي

وفي إشارة سهيت وحضنت أحلامي

\* \* \*



## وحشتك؟

بلاش تسلفني المشاعر  
وانسى إنك بيّ شاعر  
مش عاوزه حب يجبر خواطر  
الحب عندي شيء عظيم  
الحب تمحي كل شيء أليم  
الحب يعني لهفة دائمة برغم اللقاء  
الحب ترفعي بكلمة فوق في السماء  
أستغنى بيبك عن أي حد  
تكون معايا ف أي وقت  
أحس بوجودك معايا برغم بعدك  
أشم عطرك  
أسمعك وانت بتسألني وحشتك؟  
وانت بتقول لي باحبك...  
أرجوك بلاش تكون بخيل وقرب لقلبي  
وانت هنا أنا روحي بيبك متطمنة فقربّ حبيبي

\*\*\*



## أحكي إيه

أحكي إيه ولا ابتدي منين الحكاية

أحكي على البنات اللي عاشقة

ف قلب واد بيحبها

ولا على القلب اللي حب بكل حب...

داب وطب

وف الغرام لسًا يا دوب بيبتدي يعرف يحب

خلينا كدا م اللبتدا نبدأ كلام واضح سليم

لو جاي لي تبقى حبيب

وبسرعة كدا تمشي تغيب

يفتح الله.....

الشوق خلص والقلب تاب م الغياب

لو جاي تكون حبيب ب 100 قريب

وتبقى معايا في العذاب قبل الهنا



أنا لىك هاكون أولى وبرضه

مثنى والثلاث ورباع كمان

أنا لىك هاكون كل الفرح

وابقى افتكر مع الزمان

هاكون أنا كل الحنان المفتقد عبر الزمان

\* \* \*



## لغين يا دنيا

لغين يا دنيا واخذانا  
وحالفة لتفضلي معانا  
ولا سايبانا عايشينك  
ولا جبت لنا يوم عيدك  
و دايمًا ليه مخالفانا  
هموم بنشيل على كتافنا  
وحالفة تزودي ف خوفنا  
بنسكت لاجل نرضيك  
ونعشق كل شيء فيك  
ولا تحني ولا تنخي  
فنجري نبوس ف رجلك  
يا دنيا لغين هتاخذينا  
ما ترسي ع اللي يرضيك



أبوس إيدك ليوم ترضي  
وطني ع اللي بايعينك  
ولا جالهم يوم وعشقوك  
هاعيش فيك واموت فيك  
بحلوك أو كمان مرك  
أنا والله مش باحلم أعيش جنة في أحضانك  
أنا كل اللي محتاجة أعيش مستور  
واكون إنسان كما الإنسان

\* \* \*



## يا عزيزي

وليه الحب بيجيلي  
وبيحوم من قصاد عيني  
ارحم ضعفي يا عزيزي  
ما كنتش يوم قوية معاك  
ولا يوم عشت بدون قريك  
ولا في يوم هاكون قادرة  
أبعد لحظة عن حبك  
ولا يوم أقدر أعبر لك  
دي كلمة صعبة وعصية  
باحبك  
باحبك كلمة من حروف قله  
لكن معناها بالحروف تمًا  
حرف الباء باموت واحيا أنا في هواك



وحرف الحاء حروف اسمك بقت دستور

وحرف الباء باعيش جواك وهدفي رضاك

وحرف الكاف ككل الكون

يا قلبي انت باعيش جواك

يمكن جايز أكون حبيت

لكن م اللي شافه القلب أنا حبيت

\*\*\*



## أنا ما لي؟

ومش عارف أنا مالي

ولا مبسوط ولا زعلان ولا بيننا لي يوم حالي

لكني باحس إني حزين

بانام وأقوم بدمع العين

ساعات باضحك وباسمعها كأنه أنين

لكن قلبي ما هوش فرحان

تملي حزين

وبيدور على الفرحة في قلب الويل

أبيع قلبي..

أبوة صحيح هابيع قلبي

يلاا يا اخويا .. يلاا يا بيه

قلب حزين هنا للبيع

هابيعه خلاص

واكون كباقي كل الناس

عائش كدا بدون إحساس.

\*\*\*



## يا عيون

يا عيون شاردة وسرحانة  
ساكتة ليه وزعلانة؟  
وليه ف الغرام دايبة؟  
وليه ف الحب عثمانة؟  
قلبك حب؟ ولا بتبري م الحب؟  
دا داء الحب بيحي فينا مش بيهد  
في قلوب في الحب كما الراهب اللي في دينه ارتد  
فعيشي أحلى أيامك  
وحققي كمان حلمك  
قربي م اللي بيحبك  
واحكي قصتي لعشقتك  
قول لي دا كان في يوم عاشق  
لكنه ف لحظة .... بدون ما يحس بقى مفارق

\*\*\*



## ليه يا قلبي

ليه يا قلبي تعيش بذكرى ناس باعوك؟  
وليه حلمت يكونوا ليك ويشتروك؟  
وليه تملي بتتوجع م اللي تملي بيبعدوا وينسوك  
ابعد يا قلبي ليضحوا بيك ويدبحوك  
وارضى بنصيبك م الوجع وانجد ما تبقى فيك  
لو كانوا يوم حبوا عينيك  
لخافوا خوف الموت عليك  
ولا يوم هانت دموع عينيك  
ابعد ودور ع الأمان في قلب حد يخاف عليك  
انسى اللي فات م العذاب ليوم تضيق الدنيا بيك  
حب اللي باقي م السنين وحب ناس تبقى عليك  
الفرح بيعدني والحزن بيعدني دور ع اللي بالسعادة يجيك

\*\*\*



## بأفد أحيي

أحيي على دعوة أمي الي تفك الضيق  
ولا على الحبيب الي في حبه قلبي غريق  
ولا على وقفة جنبك تيجي من صديق  
ولا على لمة اخواتك وأصحابك فتفرح بيها موت  
ولا على لحظة ما أشوف الكعبة فافرح موت  
ولا على الليل الي يسمع مني ألف شكوى ولا يبمل  
ولا على البحر الي يحمل همي ولا يبكل  
ولا على غالي كان غايب وفجأة يطل  
ولا على السجدة الي تفتح لك مليون باب  
ولا على يوم بنعمل له ألف حساب  
ولا على دنيا فيها الفرح نادر  
ولا على عاشق باع حبه وغادر  
ولا بلاش أحيي  
خليني اخي جوا قلبي فرحي وحرزي  
واعيش لنفسي مش لحد تاني

\* \* \*



## مراكب الموت

مراكب الموت فرشت لنا الشراع  
باهرب أنا من الموت لموت ثاني أسرع  
وأنا إيه خلاني أمشي واروح مع الراحين  
غير ضيق في رزق وقوت لناس كثير تانيين  
وناس عشمانة تنام دفيانة  
بنوا في أحلامهم وادوني أنا المفتاح  
وقالوا هتتحقق بإذن من الفتاح  
وشوية تعب كمان من العبد لله  
وشلت أحلامهم و معاهم كام هدمة  
تسترني في الغربية  
بس الكفن يا بوي غطاني م الدنيا  
سامحيني يا امايا..... خيبت أحلامك  
وبموتي أنا كسرتك



وكمان أحنيت ضهرك

سامحوني يا غاليين

كان همي أفرحكم

وأسعد في أيامكم

بس الفرح دا محال...

ادعوا لي بالرحمة وافرح وأتني في جنة الرحمن

\*\*\*



## والله حبيبتك

وف قلبي خبيبتك  
وكننت انا سكنك وكننت انا بيتك  
والله حبيبتك  
وكننت انا حضنك  
بحناني انا غمرتك  
ولا ليلة سهرتك  
تشوف عذاب شوقك  
أقسمت بالخالق بأني حبيبتك  
حبيت حروف اسمك  
حبيت نسيم ريحتك  
حبيت نجوم ليلك  
حتى سكوت صوتك  
وهمس الحنين منك  
لأنني حبيبتك والله حبيبتك...

\*\*\*



## سر السعادة

وانا إيه خلاني اغرق وأدوب في بحر عينيك  
واعيش واحلم وأغني وكمان أخاف عليك  
قالوا كتير من زمان عن موت واحد يبجيك  
بس اللي شفته بعدك كتير باموت عليك  
أنا كنت بعيدة جداً عن شوق ولهفة ليك  
عن لحظة حب صادقة بعد ما لمست إيديك  
عن وهم كتير قاومته بقى واقع بس بيك  
أنا إيه خلاني اصدق، إن السعادة فيك  
وان الحياة معاك غرام وشوق طويل  
وان الحياة بدونك أهات ودموع وويل  
وفجأة لقيتني باحلم وفُقت من جديد  
سر السعادة هو ترضى.....

تعيش سعيد

\*\*\*



## نصيحة

اوعاك تخاف على شيء بجد

اوعاك تعيش لاجل حد

خدها نصيحة مني بجد

كل الناس مفارقة

كل الحاجات فانية

مش مستاهلة انك تحتار

وتعيشها بين جنة و نار

حتى الروح هتيجي ف لحظة... وتفارقك من غير إنذار

ركز بس في اللي باقي لك

حاول ترضي ربك يمك

يجعل لك الجنة في دارك

\* \* \*



## النائي

موجوع يا ناي.. عزفك كثير قاسي  
دا صوت بكاءك في همي بيواسي  
باقول الآه والقلب منها بيقاسي  
صوتك بيدبح قلبي ووريدي  
وانا افتكرتك جاي لي بتداوي  
بس قربك صحن في جرح تاني  
جرح كان منسي عشاني  
افتكرت حبيبي حبك  
افتكرت ازاي عشقتك  
افتكرت انك طلبت تكون كياني  
وان عمرك يوم ما تبعد عن حناني  
بس خلصت الحكاية ... ولسا صوتك في باقي

\*\*\*



## مثلاً

مثلاً لو بصيت في عينيّ الجوز  
هتلاقي حاجات زي كنوز  
بس يا عيني غطّأها غبار الأيام  
هتلاقي مشاعر بالكوم  
بأقي ف مدة صلاحيتها يا دوب يوم  
هتلاقي أسامي وأشخاص باعوا برخص وقلّة زمة  
باعوا يا اخويا ولبسوا العمّة  
باعوا قلوب بتحب بجد  
علشان ضحكة يا دوب من حد  
ما لهاش أي أساس م الجد  
هتلاقي كمان هنا ضحكاية  
بس كئيبة حزينة مريبة  
عاوزة اللي يضحكها يا اخويا



ويبعد عنها طول لاياام  
هتلاقي حنين لقلوب عايشين  
لكن غاييين  
وكمان لقلوب غاييين بالفعل  
لكن جوانا يا اخويا عايشين  
ما يغركش عدد أشخاص  
حوالينا كتير الناس  
اسأل نفسك مين هي موت؟  
لو يوم باعدت بينكو الأياام

\*\*\*



## ساعات

ساعات

باحس اني باموت وسط السكوت  
اللي اتجبرت أعيش وعمري كله مكبوت  
ولما جيت أصرخ صرخت صرخة من غير صوت  
لكن الدموع بتقول كلام لو تسمعه تبكي عيونك  
انطق يا قلب وقول خلاص وفرّ حنانك  
لازم تدور ع اللي ضاع بطل جنانك  
يمكن يجتمع بيكو الطريق وتكمل حياتك  
حرام بجد يتقهر جوايا صوتك  
تعبت من كتر ما سمعت آهاتك  
نفسى أجري وافرح واجمع شتاتي  
نفسى أعيش اللي باقي من حياتي

\*\*\*



## شاهد عيان

الحنين في القلب فاق كل الكلام  
وانا اللي هُنت وتعبت من الملام  
حنيت كثير وانت بتقسى والسلام  
قررت أبعد أنا وهاكون تمام  
لكن .....

لكن في قلبي 100 مليون سؤال  
ليه تعذب قلب انت ليه كل الآمال؟  
ليه لقلبي تكون حياة؟  
وتكون كمان طوق النجاة  
ليه تطلعني السحاب؟ ولما افوق القاك ضباب  
ليه تعلقني بسراب؟  
أقول كمان؟ ليه حي هان؟  
ليه دمعة من عيني تبان؟  
امشي خلاص بكفاية كدا قلبي عليك شاهد عيان

\*\*\*



## شروق الشمس

لحظة شروق الشمس  
ييزيد علينا الهمس  
بتنام عيون سهرانة بتنعى طول لياليها  
وبتصحى عيون تانية  
عيون نايمة ونعسانة  
بتتدارى في غرق نومها  
بتهرب من حنين غلاب  
ولضميرها بتعمل له ألف ألف حساب  
لحظة شروق الشمس  
بتفوق عيون الناس  
تصحى عيون سمرا  
ترسم على خدودها  
ضحكايه إيه، حكاية  
بنت سمارها بس.... تحكيه ف رواية  
تكتب في بدايتها



عن سر ضحكها  
تكمل روايتها  
وانا لَسًا في الضحكة  
ضحكاية في عيونها  
وضحكة في خدودها  
وضحكة ف شفايفها  
وضحكة تسمعها  
بس حلوة البنية ..... خلاب قوي جمالها  
عليها هدوء يخلي عقول كثير تحتار  
أقصى أحلامها هو الفتى المغوار

\* \* \*



## أنا العائل

أبوة أنا من قالت  
إني هاكون بركان حنان  
لكن كمان  
لو قلبي راح منه الأمان  
هاكون عذاب  
هاكسر قيودك بالأدب  
اوعاك يهياً لك شيطانك إني هتكسر  
اسمع يا سيدي  
أنا حي بحر من الأمان تغرق في قلبه تكون سعيد  
وكمان مدينة هتسكنك وانت تعيش فيها فريد  
انت اللي بس مَلَكْتَهَا وفيها وحيد  
حاول تكون حضني الكبير وبلاش في حي تكون عنيد

\*\*\*



## حالة

ممکن تسيبوني أعيش حالة  
حابة أعيشها بكل ما فيها  
وكمان أوصف ليكو تفاصيلها  
قصة مليانة بكومبارس  
وانا بس بطلة لحلقاتها  
فيها أشخاص بتبوح عن كل اللي واجعها  
وكمان بتحب ف حد بيشغل تفكيرها  
فيها ناس بتحاول تخفي ف معظم ملامحها  
وتزور يمكن ف حياتها  
وتزيّف برضه ف أقوالها  
وتكذب مرة ومرة كمان تخدع ناس غيرها  
فيها حكايات حقيقية ساعات  
وكمان جايز منها اشتغالات



ففيها ناس بتدور على حد عشان تتحب

وفيها ناس ك الطوبة بتندب

ففيها عشاق قاعدين بالكوم

وكمان أحباب نسيوا يا صاحبي طعم النوم

ففيها كمان حبة كلمات بنقولها ونندم

وشعور بنحسه وبنعيشه وبنرجع نندم

فرکش يا اخواننا

فرکش يا اخواننا وبكفاية

شيلتو الهم شوية معايا

\*\*\*



## أخويا

انت نور ليّ في عتمة  
إيد بتمسح ألف دمعة  
انت حب كبير وأجمل هدية  
وانت كل حاجة ليّ  
انت نبض يبحي قلبي أنا  
انت ابويا  
وانت اخويا  
وانت ابني أنا  
لو في يوم سابني حبيبي  
بالقى نفسي جواّ حضنك يا حبيبي  
بنسى ضعفي ف عزقربك  
واقوى بيك وانت جنبي وانا جنبك  
نظرة واحدة من عينيك تسوى كتير  
بانسى نفسي وافتكر إني معاك  
سندي انت وقوتي وسط الزحام



باسمع منك يا اخويا احلى كلام  
لما جيت في يوم وقعت قلت اخويا  
واما باتعب ولا بامرض بانه يا اخويا  
لما باحتار ولا اتوه باسأل أخويا  
لما قلبي بيتوجع باقول أخويا  
خليك هنا متونسة بيك أنا  
ومتطمنة وانت هنا  
يا نني عيني وحتة من قلبي أنا  
يا أنا

\*\*\*



## أنا خفيت

أنا خفيت خلاص منك  
ولسًا بتيجي وكأنك  
ملاك بيداوي م الأحزان  
وبيداري في قلبه شيطان  
ومن هبلي لصوته سمعت  
كلام عمري ما صدقته وليه صدقت  
ومن غلبي في بعده بكيت  
وخذت همومي على قلبي  
وبها مشيت  
فتزلت دمة من عيني  
بتنعي الحب جوايا  
وبدلت البعيد قلبي بساعة حيط  
تدق الدقة فيظنوا بأني حيت  
ويسمعها كمان ناسي يقولوا سعيد  
ودقة قلبه منتظمة وفرحان كيوم العيد





ونأوية أقول كمان كلمة  
باحب باحب وبس  
ومنها حذف حرف الكاف  
باحب الحب من غيرك  
وباعلنها أنا تعافيت  
خلاص وخلص كمان مرة أنا خفيت

\*\*\*





## سؤال؟

هاسألك سؤال يا نفسي؟  
وباحلفك بحق شوق قلب مالييني  
تجاوبييني  
ليه بتعافري وتكابري  
وشوقك فاضح المستور  
وليه هربانة بعيونك  
ولما بيلمسك في سلام  
ما بتكفي حروف الكون في وصفه كلام  
لكن سرعان ما يتلاشى الكلام بسلام  
بسرعة الرعشة في كفوفك  
بتيجي في لحظة وتخونك  
وتكشف كل شيء مستور  
وفي جفونك حنين الكون  
باشوفه ني جوا عيون  
فمممكن مرة تجاوبييني





ليه بتخافي م الكلمة  
برغم ان الحروف ناقصة  
ولا مكفية تعبيرها عن الفرحة بيوم سُفّته  
ليه خوافة كما عاداتك؟  
بلاش انتِ  
قول لي يا قلب  
ليه دقاتك اختلفت  
وليه حابب تكون جنبه  
وليه بتحكي وبتزود حكاوي عليه  
وليه واثق من الفرحة اللي جوا عينيه  
وليه حاسس بلهفة جاية متبادلة منه وليه  
ليه ما حدش راضي يجاوبني؟؟؟....

\* \* \*





## كفاية خلاص

أنا ليه في الدنيا زهدانة  
وباضحك ضحكة بهتانة  
وعايشة عيشة كدا وخلص  
باحاول اراضي كل الناس  
ولا في حد يراضي  
ما باحبش حاجات فيها  
وما باركّزش كمان فيها  
باحب بس اللي من دمي  
واحب اللي يشيل همي  
واحب القلب والنبي  
وغير الحب ما باخدشي  
لغاية يوم ما هاجي امشي  
من الدنيا ومش محتاجة منها شيء



باحلم بيوم اقوم مرتاحة

والقى الدنيا حولي براح

وأصحي ألقى حلم العمر متحقق

واقول للدنيا وانا ماشية يلا سماح

كفاية نعبت من غدرك

ومن مرك كفاية خلاص

\*\*\*



## شجرة الكلمات

يا شجرة الكلمات مليت ليه مني  
ولا عارفة أجنيك ودموعي سابقاني  
أسقيك يوم دمعة فتطرحي لي الآه  
أجري على ضلك ترميني في متاهة  
ورافضة يوم تنعي في الحزن جوايا  
يا تطرحي لي الفرح يا تموتي بإيديا  
جوايا لسا أخضر والقسوة مش في

كان كل أملي معاه

إنه يكون لي إنه يعيش في

ولا يوم أشوف الدمع

ولا لصرختي أسمع

أنا ابتليت بالصبر مجبورة والله

حبي كما الشلال لو يحجبوا قوته تزداد وتتفجر...

\*\*\*



## أنا أسطورة

هاقول كلمة وباترجاك

تكون فاهم لمعانها

أنا أصلاً مانيش لعبة

هتفرح بيها وترمها

أنا أسطورة تتدرس

ودولة تنوه في نواحيها

يجوز يمكن أكون جاهلة

لمعنى الحب في زمانك

لكن حالاً أنا أعلنت ثورة

و حرب علشانك

هاشعل نور على أرضي

راح امحي بيه ظلام قريك

هاكون قائد لمعركتي

هاحارب فيك

أنا وكل اللي متبقي من الذكرى



ومن شوقي وخوفي عليك  
ودقات قلبي  
وكلمة حب ليّ وبس  
ومن حقي  
هاحارب قلبك القاسي  
عشان يخضع ويستسلم  
باقول لك إيه  
خلاص امشي  
أنا مسامحة ومن جرحي راح اتعلم

\* \* \*



## أسرار عذابي

جاي لي ليه تدق بابي

وانت من أسرار عذابي

جاي تدور ع القلب اللي حبك

وتمسح الدمع اللي سال من بعد هجرك

جاي تقول لي مش هاعيش من بعد حبك

قول لحبك يمشي قبل ما لساني يسبك

وليه تحب انكسر لك

ولهواك افضل ذليل

واصحى وانام احلم بنور

يشع م الليل الطويل

واغرق في حلم أقل ما اوصفه بأنه عليل

حاول تصلح من حياتك

وارسم لنفسك 100 سبيل



خدها نصيحة للزمن  
حاول تحلم من جديد  
وابني حلمك من حديد  
وانسى ان قلبك عاش حناني  
يا آخروردة زينت بستاني

\* \* \*



## نبضة

كل اسم ف قلبي نبضة  
نبضة توهبي الحياة  
كل دقة لها اسم بتنطقه  
أمي دقة وحيي دقة  
واختي دقة واخويا دقة  
ودقة تنطق اسم ابويا ورحمته  
ودقة جايز تمحي ذكرى  
ودقة جاية بالأمانى محملة  
ودقة كانت للدموع مأجلة  
ودقه تحلم برحمة الرحمن  
ودقة تنطق باسم النبي العدنان  
ودقة حايرة ما بينهم كلهم  
عاوزة تنطق باسم غالي زهم  
لكن الحبيب غايب رافض يكون منهم.

\*\*\*



## حبي اللي فات

باسم كل حاجة حلوة بينننا

باسم قلبي الأسير

باسم حبي الكبير

باسم لحظة فيها عليك باغير

باسم نسمة محملة عطرك عبير

باسم حروف كلمة باحبك

باسم غنوة لام كلثوم شعلت جوايا حبك

باسمك هابدأ الديوان

فبلاش تركز ف الجنان

بلاش عشان

أول قصيدة هاوصفك فيها

وواحدة تانية هاعشقتك فيها

وقصيدة تالته هاوصف الأشواق

شوق قلبي لذكري يناديها

وشوقي للمسة إيد



وشوقي لنظرة من بعيد لبعيد

وشوقي لعرشة في إيد

وشوقي في أي لقاء جديد

هاكتب كمان عن فرحتي بكلمة باحبك لما تنطقها

وقصيدة عن نغمة في ضحكتك لما باسمعها

وكمان عن لخبطة ف دقات قلبي

ظنيت ساعتها اني بافارق الحياة

يااااه أتاريه وجع لحظة مخاض

لولادة الحب اللي مات

\* \* \*



## والله صدقت

رسمت ليّ الموج كشط  
وحلفت لتكون ليّ النجاة وانا اقتنعت  
صدقت فيك خوفك عليّ  
هيأت ليّ ان استحالة تسبب إيديا  
لما نزلت!!!. كانت المفاجأة  
لقيت الموج بيستلم مني الأمان  
وبيقطع الحبل اللي واصل بيني أنا والمكان  
وان إحسامي بإيدك وهم فيه سرحت  
وبصوت محبوبس ناديت صرخت  
أنا اتخدعت  
وبسرعة البرق تُهت وغرقت  
كان كل همي وقتها إزاي هاعوم  
برغم قسوة الموجة وكثرة الغيوم  
باصرخ، بانادي يا بشر: أنا اتخدعت

\*\*\*



## أختي واخويا

يعني إيه أختي واخويا؟

حد مني، حد دمي، حد عارف مين أنا

همّ باختصار، أنا

حد يسمع شكوتك من نظرتك

حد عارف يقبلك وبفطرتك

وقت الغضب هو الثبات

وفي المرض جنبك يبات

يعني إيه أختي واخويا؟

يعني حضن واحد ضمنا وهي أمنا

يعني دم واحد يجري بقلبنا

يعني لقمة فبقهم، أشيع أنا

يعني راحتي وقت همي

يعني سندي وقت وجعي

يعني لما يغيبوا عني أتوه أنا

همّ يعني أب تاني



وام تانية لولادي أنا  
هي سري وهو سندي  
أختي يعني أم تانية  
أخاف عليها وتخاف عليّ  
أخويا هو حزن باقي من أبويا  
نعمة باحمد ربنا عليها يوماتي  
بارجّع الفضل لربي ثم أمي ثم ابويا.

\* \* \*



## الوجع

سيبوا الي ساكت م الوجع تبكي عينيه  
يمكن دموعه حاسة بيه فبتواسيه  
بلاش يحس بقسوة الغالين عليه  
بكفاية غدر الدنيا بيه  
أصل السكوت بيكون هروب من هم هوّ جوا فيه  
واوقات كتير هدوء يبسبق عاصفة  
لو قرر انه ينفجر هيكون كقوة الحجر  
جايز يكون باقي على العشرة اللي بينكم  
لو تسمعوا صوته الدفين حتمًا هتبكي عليه عيونكم  
وهتلعنوا كل الظروف اللي باعدت في يوم ما بينكم  
سُقت عليكم النبي والأوليا  
سيبوا الجدع بدموع عينيه ... وكفاية همّه تقيل عليه.

\*\*\*



## وحشتيني



يا سمرة بلون سمار طيبي، وحشتيني  
باحس انك في تكويتي، وحشتيني.  
وحشتيني برغم القرب  
برغم انك قصاد عيني، وحشتيني  
وشوقي يزيد ولا يهدا ولا بينام، وحشتيني  
بالاقيبي وانا معاك  
فرديني  
أنا تايه وباترجاك تاخديني  
أكمل عمري وياك  
باحب الفرحة في عيونك يانور عيني، وحشتيني  
واحبك لما بتعاندي وتاني بترجعي عندي  
فيرضيك أعيش معدوم  
يا بحر من الحنان يروي وانا المحروم  
وباتمى أعيش وياك عشق يدوم



دا عمري يهون فدا ضحكة أحس بأنها ليّ وعلشاني

هاكون لك توب يداري كل تفاصيلك

وسيبك من كلام الناس

كتير قالوا دا هيسيبك

وجم ليّ يحاولوا يغيروا فيّ

وقالوا توها غير توبك

خدوا عيوني وشوفوها

ولو مرة

عشان يمكن تحسوني

فباترجاكو تسيبونا

وحاولوا بجد تنسونا

وباترجاكِ تنسهم

وعيشي جوا تكويني

لأنك جد، وحشتيني

\*\*\*



## السكّات

بين سكّات وسكّات  
بيتحكى بيننّا حاجات  
باقول باحبك...  
باعشك  
باموت في كل حاجة فيك  
وفي لحظة أنا حسيت بحضن عينيه  
كان حضن دافي وانا كنت باتدل علىه  
وفي لحظة خوف ممزوج بشوق أنا رُحت ليه  
وبدون ما احس، مديت إيديا المس إيديه  
وحضنت عينيّ شوق كان مالي عينيه  
و قلبي قال كتير بدقاته  
اللي كانت ملهوفة بس عليه  
وف وسط ما انا بانظر إليه  
لمحت دمعة جوّاً عينيه  
مش عارفة ليه؟



من كتر حب؟  
من شوق لقلب؟  
من فرحة كانت تايهة وجات إليه؟  
وانا أعمل إيه؟  
وازاي بإيدي امسح عينيه؟  
وانا كنت بعيدة جدًا عليه  
بس والله كنت أقرب حد ليه  
وباموت لو النسمة جرحت عينيه  
أو يوم حزين يفكر بس يمر عليه.

\* \* \*



## كآبة المنظر

وعند كآبة المنظر

شافت عيوني أحلى منظر

شفت قلبي بيجري مني على فرسة بلون سواد الليل

حسيت كأني تاهية عني تاهية مني

نزلت دموعي من عيوني وقتها من غير ما أحس

وف عزما أنا بامسح دموع فرحتي اتغير الإحساس

حسيت كأني خرجت من دنيا البشر

لدنيا تانية كتير حلمت اني أكون في قلبها

أكون جزء منها أو كلها

أو أي جزء فيها بس أحسها

باحكي أنا عن لحظة كدا

بتفصلك من حقيقة عن الخيال

واللحظة دي

بتخلي أي شيء محال يصبح حقيقة في الحال

مش لاقية وصف اوصفك



يا اللي انت جيت تفرح القلب اللي عاش كثير حزين

يا اللي انت جيت لي بحب وحنان كل السنين

عاوذة أقول مافيش محال

اوعاك تخاف

ولو عدت علينا سنين عجاف

أنا معاك

\*\*\*



## أم الحبيب



حكايتي بين بدايتين اتكونت  
بداية قلبي اللي اتسرق  
تقدر تقول القلب راح  
من غير ما احس سلمت له  
وسمحت له يسرق كمان معاه الروح  
من غير ما أبوح ولا حتى أقول كلام يرد الروح  
سلمت انا لحب السنين  
وازاي أنا حبيت  
وبجبل شوقي رميت، أسحب حنين قلبي  
ولقيتني فجأة باقول  
حنيت أنا حنيت  
وخلص يا قلبي بقيت مش ملك إيدي خلاص  
وبداية تانية بديت  
حبيت أنا حبيت



ومن جوا قلبي باقول

وبعلو صوتي باقول

أنا حبيت

مش عاوزه يوم أبعد

عن حضن فيه لقيت كل اللي كان ضايع

وكنت انا مليت من كتر ما استنيت

حبيته أكثر من نفسي

خليته هو كمان نفسي

تقدر تقول حب أم، قلب أم

بس اتخلق علشان يضم

ولا عمره يقول مليت

أم الحبيب أنا اتسميت

بالكلمة دي أنا اتمنيت

أعيش على عمري كمان عمرين عشان أسعدك

واكون جنبك

واكون وياك واعيش العمر وانا باهواك...

\*\*\*



## حلب

يا رايعين على حلب قلبي معاكم راح  
والعين مفتورة على دم سال واستباح  
وشيطان بيشر ب ويتجرع حلاوة الدم  
ولسّا إيده فيها السلاح  
شايفة أيادي مرفوعة بتناحي  
وتنادي على الفتاح  
يرفع همها ويفك عنها كرمها  
ويبعد عنها كل سفاح  
يا رايعين على حلب فرحي معاكم راح  
أنا شفت أم كمان بتدور على روحها  
وابن كان بيصرح فين أمي عاوزها  
وأب كان بيلف ويدوس على حلمه  
اللي في لمحة بصر اتهد في اللحظة  
يا رايعين على حلب قلبي أنا معاكم  
وفرحي خلاص انتهى





إلا برجوع فرحكم

بزيادة ذل وقهر

يا ارب يا قهار

أيا ديننا مدينا

انصفنا ع الظالم واقضي على ظلمه

واقهر قوته وجبروت

داس بيه على عبادك

يارب يا جبار

\*\*\*





## رعد كلبني الوفي

باحب فيك حبيك فيَّ  
باحب لهفة قلبك عليَّ  
باحب سواد لونك جميل  
تحس ليل وغرقت فيه  
ليك نظرة عين بتقول قوالة  
باشوف ضحككتك وبافهم معانها  
بيكدبوني كثير فيها  
يا اللي انت أوفي من ناس كثير  
يا اللي اسمك فيه صفات منك  
قوة وهيبة وحاجات عجيبة  
بيخافوا منك ليه يا طيب  
وانت أطيب من أطيب طيب.

\*\*\*



## باحب ربي

باحب ربي  
واحب كل شيء يجيبه  
راضية جدًا باللي كتبه ربي ليّ،  
وعمري يوم ما بكيت عليه  
بالقي نفسي لما باسجد سجدة بين إيديه  
بيغفر كل ذنب ليّ  
وكل ذلة نفس مني  
بكلمة واحدة استغفرك ياسيدي  
باحب ذلي بين إيديه  
واحب كسرة نفسي ليه  
باحمده ف نهار وليل  
إنه هورب ليّ  
واني أمة تحت طوعه  
باجتهد أكون كدا  
أكون بجد حد طايح يأمره ويقول أمين



أنسى دنيا عايشة فيها  
واعمل الحاجة اللي باقية هي ليّ  
جنة الفردوس يا ربي  
هي حلمي  
هي أملي  
هي بس هاحيا ليها  
فها بس هالقي نفسي  
والقى كل حبايي فيها.  
وكل خل يشوف حبيبّه  
باحب ربي  
واحب كل شيء يجيبّه

\*\*\*



## صباح الخير

صباح الخير

صباح نادي

صباح مبسوط

صباح بيظمن القلقان

وبيطبطب على الزعلان

صباح بالحب بيجيكم

بيسعدكم ويمديكم

كلام أحلى من الموالم

صباح هادي كدا ومبسوط

هينشر فرحة في عيونكم

وفي قلوبكم وحواليكم

صباح بيخلي قلبي يطير

وبيعدي جبال وبحور

عشان بالبسمة يحاوطكم

وبيدور على الزعلان



عشان يملا عليه الكون  
بضحكة تصحصح النعسان  
وبتفرح كل قلب حزين  
بقى له سنين بيحلم حلمه يتحقق.  
يشوف بكرة ويكون له صوت  
صباح الخير  
صباح نادي  
صباح مبسوط

\*\*\*



## كلمةً باحبك

يا روح الروح يا عمري أنا ملكك  
وناوية أكون أنا عيدك  
في أحزانك هاشيل عنك  
يا عمري كل أوجاعك  
وأفراحك أزيدها لك  
ولا عمري هاسيب دمة  
تشق طريقها لجفونك  
أنا حبيت ومين قدي  
ورسيت مركبي عندك  
إهدا يا قلب  
ما حبيبيك قصاد عينك  
وكل الدنيا بييمينك  
أنا وياك  
وإيه تاني راح اتمنى  
يا فرحة عمر جاتي أكيد بأحضانك



باحبك...

باحبك حب خلاني

أشوف الكون بلون ثاني

باحبك حب

عجزت أقلامي عن وصفه

باحبك حب

تتوه الناس في أحواله

باحبك حب

من اللي هوايا يسكن له

باحبك حب

رياح الكون بتهدا له

باحبك حب

موج البحر يخضع له

باحبك حب

يتوه العقل في فكره

باحبك

كلمة معناها يا روجي كبير





أنا باهواك

وعاشقة هواك

واعيش عمري وانا وياك

ولا عمري أشوف غيرك

يا فارس كل أحلامي

معاك يا عمري

هعيش واحيا

في أحلى حياة

\*\*\*





## أنا قررت

هاكون انت بتفاصيلك  
واكون واقع في أحلامك  
واكون جنبك في تحقيقها  
واكون أمك في أحضانها  
واكون وياك بأمانها  
واكون غمراك بحنانها  
واكون أختك في غلاستها  
وضحكتها وبرائتها  
أكون عيلتك في لمتها  
واكون صاحبك في وقت الجد  
أسانك ضد أيها حد  
أنا وياك وإيه تاني  
من الدنيا هتحتاجه



هاقوم حرب ع اللي يهون عليه حزنك

أنا وياك على الأحزان

هنبقى عليها كالبركان

هنمحي كل شيء هيكون

سبب دمة في قلب جفون

باحب أشوفها مبتسمة

\*\*\*



## محمل جد

عاوزة أضحك ضحكة بجد  
مش محتاجة أكون مع حد  
ولا حد يواسي وخلص  
ولا يحسبها عليّ الناس  
ويخلوني قصة وحدوتة  
عاوزة افرح حبة صبغنتوتة  
من قلبي وابعد عن ناس  
كل هممها تشوفك جد  
عاوزة أجري والحبّل أشد  
عاوزة أبعد وابعد دا بجد  
مش هزازاية ولا مزحاية  
دا كلامي من فضلك  
خده محمل جد.....

\*\*\*



## عاوذة أقول

عاوذة أقول كلام كثير  
كلام جامد جدًا خطير  
كلام ما يتقالمش استحالة  
إلا وانت ف قلب حالة  
فيها محتاج النجاة  
كلام يغير ألف حالة  
كلام خطير وبصراحة  
كلام يبديل حال بحال  
كلام يحقق المحال  
كلام يريح قلب مال  
كلام راسي كالجبال  
كلام بكل حبات الرمال  
كلام يا ناس فوق الكبير  
اسمع وركز في الكلام  
واوعاك ف يوم تقول سهيت



ولا نسيت  
سبحان الله  
والحمد لله  
ولا إله إلا الله  
والله أكبر  
ولا حول ولا قوة إلا بالله

\* \* \*



## لسَّ القلوب

لسَّ القلوب بتدوب

يا دوب من كلمة تخرج باشتياق

لسَّ الحنين يوم بعد يوم يسرق معاه قلب مشتاق

لسَّ السنين مهما تمر

شايلة معاهها وجع أشواق

لسَّ انا زيَّ ما انا ما بين حنين وشوق وويل

ما بين فراق ورجوع في ليل

ما بين سكات بيقول كلام أوعر كثير من 100 كلام

ما بين نفسي ونفس تانية بس تايمة في الملام

لسَّ ذكرى في قلب باقية

لسَّ ضحكة بس تايمة

لسَّ بكرة مجهول وتايه

لسَّ باحلم باللي جاي يكون بجد ليَّ أنا

\*\*\*



## سامع يا ابني

اوعى تقول زعلان وحزين  
اوعى تحس انك مسكين  
أنا أكثر من حزنك بحزن  
اوعى تكون زعلان يا حزين  
دي دموعي تتراجع مرة  
وبتنزل ثاني ف مرات  
فيّ ابني اللي ما جبتوش  
حوش الحزن بإيدك حوش  
وخبيني ف حضنك خبيبي  
وتعالى ف حضني انا اخبيك  
دا أنا روجي بافديها بفرحك  
وهتزرع زرعة ونسقيها  
بالحب نرعاها ونرويهها  
ومن غدر الأيام راح نحميها  
وبإيدينا نحصد أمانينا





ونحقق فيها ونتضمن  
طول ما الشوق جامع إيدينا  
والحب بيلمع في عينينا  
اوعى ف يوم تحزن ولا تبكي  
وانا في الدنيا  
سامع يا ابني؟ ... وانا في الدنيا

\*\*\*





## اسأل

اسأل الليل اللي بعدك ما له آخر؟

اسأل الدمعة اللي تحرق يوم نزولها جفن ساهر

اسأل القلب اللي شقه

بعدك ليه عليل

اسأل الحضن اللي ضمك جوا منه ليه ذليل؟

اسأل الوجع اللي غطا

دنيتي في نهار وليل

اسأل الدقايق و الساعات ليه البعد طال؟

اسأل الدنيا اللي قسيت جاية

ليه وشايلة الأمانى مكفنة

وليه الدموع مالية العيون

اسأل وانت تعرف

إني باعيش حزن السنين

\*\*\*



## أنت قلبي

وبتسأل انت بالنسبة لي إيه  
انت ابني اللي عمري كله ما شفتهوش  
انت قلبي اللي قال بعد منك مش هاعيش  
انت عمر كنت لسا باحسبه  
ومعاك بقيت ما باحسبهوش  
انت ضحكة صادقة  
عكس ضحكة باهتة كنت باخدع بيها كل الوشوش  
أنت عمري اللي فات واللي لسا ما عشتهوش  
اوعى تسأل يوم سؤال ما تعرفوش  
انت حب كبير لسا حتى الآن الأرض دي ما عرفتهوش  
أنت كل حاجة لي أنا  
أنت نبض قلب أحيا قلبي أنا  
لسا السنين هتقول كتير عن حب قلبي يا أنا  
ولسا جاي بتسأل انت بالنسبة لي إيه

\*\*\*



## أكتب حزين

مش عارفة أكتب حزين  
بالرغم ان حزن قلبي ما يساعه مهربين  
مش عارفة أكتب حزين  
ويطول ليالي  
ف وسط موج م الأئين  
للروح والعين  
ودموع بتسيل وقلب حزين  
تاهية بجد!!  
تاهية بجد  
ما بين قلبي  
وقلب تاني ليه باحن  
يا حب ليه بادين بكل عمري والسنين  
يا فرحة بعد دمعة عين  
يا قلب كله شوق وحنين  
يا نور بيسطع من ليالي الحزين



يا كل لحظة حلوة أنا عشتها  
يا أجمل كلمة حب منه سمعتها  
يا كل حاجة غالية عليّ منك شفتها  
يا همسة شوق جات بحنان وصدقها  
يا لمسة إيد  
طمنت قلبي الحيران لما لمستها  
في القلب هو ويس  
وهاعيش أحبه  
هو ويس  
وعشان كدا مش عارفة أكتب حزين.

\* \* \*



## ساكتة ليه؟

ساكتة ليه؟

ورافضة الكلام يا باندي

ليه دموعك مالية عينك يا صاحبي

وليه أمتي لدنيا خاينة ولها سلمت

وخليتي ابيع في صبر مالي عليّ دنيتي

ليه كمان خدت بإيدي لدنيتك

وانا اللي كنت راضية بدنيا تانية

ما فهاش فرحتك

فاكرة لما حكيت لصحابي عنك

وقلت بتفرح لفرحي وتحزن لحزني

اتظلمت لما جيت عندي

وابتديت بعد فرحك تشيلي همي

دا أنا اللي الحزن أصبح زادي وهدمتي

بقيت خلاص وسط الصحاب

لكني عايشة ف غربتي



أسفة جدًّا أني دخلتك دايرتي  
أسفة جدًّا لما سكنتك حياتي  
أسفة جدًّا إنني فرحتك ساعات  
وبكيتك ليلاي  
أسفة جدًّا يا باندتي  
أسفة جدًّا يا صاحبتني.

\*\*\*



## أنا والليل

أنا والليل بقينا صحاب  
أواسي فيه يواسيني  
واقول له فين حبيب العين  
يقولى لي بعده على عيني  
وفي ليل الهوا باسهر أنا وحدي  
وابات واشكي يمكن يرق من حالي  
باسمع أنين الحيارى  
واقول انا مالي  
يصعب عليّ أنينهم  
فتبكي عيوني من حالهم  
وبسرعة أجري عشمانة  
أخفف جزء في آلامهم  
أواسي حزن أيامهم!  
أهوّن من وجع ليلهم!  
وأمسح دمعة في عيونهم





فبيكوا همَّ على حالي!!  
وباطلب تاني م الدنيا تهون بس ع قلوبهم  
أنا والليل سوا عايشين بقينا اتنين  
لايمكن يكون لنا تالت  
خلاص عايشين  
في ناس كتير حوالينا لكن غافلين  
وانا وانت بنسهر بس .. لأننا عاشقين.

\* \* \*





## وحشتني

وحشتني يا ابو أجمل ضحكة لمحتها العيون  
وحشتني وعائشة بيك  
باسمع كلامك باحفظه من الألف للنون  
لسًا باسمع ضحكك صوتها ف وداني  
وأجي تاني  
أحاول أندحك يمكن ترد  
بس بالقى صوتي يرجع تاني يرد  
فاكرة كل حاجة بينننا ضحكك صوتك كلامك  
حتى في سكاتك باسمعك بافهم حوارك  
بس ليه غايب يا غالي وحشتني  
حاول تجيني ألمسك  
أسمع هزارك  
وحشتني لون شعرك  
ولون عينيك المليانين حب وحنين  
وحشتني يا أول حب دق القلب ليه



وأول حد إيدي لمست إيديه

فاكر يا بابا

فاكر لما كنت باسبقتك

واغسل إيديا قبل ما تغسل إيديك

ولا لما كنت صاحي ع الفطار واجري باللقمة عليك

تضحك الضحكة اللي تملأ الدنيا فرحة من حواليك

اوعاك تخاف احنا بخير

وانت معانا ف فرحنا

ودايماً معانا ف حزننا

دايماً بنقعد نفتكر كل حكاياتك

فاكرين يا غالي كل حاجة كنت بتوصينا بيها

فاكرين كمان تفسير آيات كنت كتير بتحيا

وكمان شرحك لأغنيات الست اللي بصوتك سمعتها

صوتك وانت بتغني لفريد ازاي هننسى

وانت جدر راسي واحنا بنحيا بيه

وحشتني يا حبيبي بجد

\*\*\*



## يا صاحبي

في إيه يا صاحبي مالك؟  
وليه مستكتر الضحكة على نفسك  
وليه ع الدمعة متصاحب وسبت الفرح  
وليه بتغوص في بحر الحزن ومسلم  
وليه على الهم متعود  
وليه من الفرحة مستغرب  
ولما بتيجي وتقول لك أنا ملكك بسرعة منها تتهرب  
واخد ع الحزن  
وهو كمان بقى معشش في تفاصيلك  
يا طووول ليلك في أحزانتك  
باشوف عتمة في أيامك  
يا بووووي على الدنيا  
ما تيجي يا عم تنساها  
دي دنيا واحدة هتعيشها  
وفمها تعيش جمال سنك وايامك



تقرب من اللي بيحبك ويفرح لك

ويفهم كل تفاصيلك

وتبعد ع اللي يكره يوم

يشوف البسمة ف خدودك

ما تيجي تعيش

وتنسى الحزن والأحزان عليها ندوس

وتضحك ضحكة تسمعها

بلاد هندوس

يا اخويا الضحكة بالمجان وما بندفع عليها فلوس.

\*\*\*



## باقول لك ايه

هات حزنك على حزني  
نقسم فيه وجع عندك ووجع عندي  
بعدل يا اخويا مش بالزيف  
دا انا من كتر م الحزن بقى معشش  
بقيت م الضحكة والله باموت م الخوف  
باشوف جوايا ضلمة ليل  
في عز نهار بجد عليل  
باحس الحب في الدنيا كأنه ذليل  
في ناس في الحب غرقانة  
وناس تعبانة سهرانة بتبكي بويل  
والدمعة يا بوي منهم تهد الحيل  
ولا يجففها يا اخوننا 200 منديل  
وليل ونهار بينعوا ف حب ويقولوا يا ويل الويل

\*\*\*



## كنوز

لو بصيت في عينيّ الجوز  
هتلاقي حاجات زي كنوز  
بس يا عيني غطاها غبار لايام  
هتلاقي مشاعر بالكوم  
باقي ف صلاحيتها يا دوب يوم  
هتلاقي أسامي وأشخاص  
باعوا برخص وقلة زمة  
باعوا يا اخويا ولبسوا العمة  
باعوا قلوب بتحب بجد  
علشان ضحكة يا دوب من حد  
ما لهاش أي أساس م الجد  
هتلاقي كمان هنا  
ضحكاية بس كئيبة حزينة مربية  
عاوزة اللي يضحكها يا اخويا



هتلاقي حنين لقلوب عايشين

لكن غاييين

وكمان لقلوب غاييين بالفعل

لكن جوايا يا اخويا عايشين

ما يفرکش عدد أشخاص

حوالينا كثير ناس

اسأل نفسك مين هيموت

لو يوم باعدت بينكو الأيام.

\* \* \*



## حب مريض

وباتمنى في يوم ثاني تحب جديد  
وتبقى ف لحظة متمني وبرضه سعيد  
وبادعيها لرب الكون تحب جديد  
تشوف شوقها عليك ف يوم ما تغيب  
ولهفتها على قدومك كيوم العيد  
وفرحتها بكلمة حب تسمعها مع التهيد  
ولمسة إيد  
تدويها كما السكر في قلب حليب بلمسة إيد  
وكلمة شعر تكتبها عشان عاشقة في حب مريض  
وتسمع منها يا واحشني ويا حبيبي وفيها تعيد  
وباعلنها بعلو الصوت  
أنا اللي عشقت يا اخواننا في عشق عبيط.

\*\*\*



## حبّية بجد

أنا اللي تعبت من همي الثقيل جدًا  
وأنا كل اللي باحلم بيه  
أفرح مرة على أرضك ولو ساعتين  
حببتي يا مصر ومش عارفة  
أقول غير إنك حبّية بجد  
وحبك عندي يا امايا دا فاق الحد  
لكني باحلفك بالله تبصي لنا بعين الأم  
تكوني الأم لولادها تضم تلم  
ولو شافت شتات بينهم في مرة... نعم  
ولا تشتكي مرة شيل الهم  
هاعيش فيك يا غالية وفيك هاموت  
دا انا اللي سكاتي يا أمي عدا السكوت  
في قلبي صرخة يا امايا صدهاها في الصخور بيخوت  
أقول لك إيه؟  
واعيد لك إيه؟



وانا منك ومن طينك  
وعاشق موتي في ترابك  
أنا النسمة بتحبيتي  
وانا العاشق جمال ليلك  
وانا الشارب من مياه نيلك  
حبيبتى يا مصر

\*\*\*



## بجر خلاص؟

أنا حرمت من بابي أدخل ناس  
لأني مريضة يا اخواننا بحب الناس  
قلوب يا ما بقت ناكرة ما فيش إخلاص  
أنا هاقل بيبيان قلبي باب ورا باب  
على اللي باقي لي من أحباب  
دا كل ما اوارب الأبواب بيدخل حد ما أعرفهوش!!!  
ويغرف تاني م المخزون  
ويرمي همومه جوايا  
وينسي إنه جاي محزون  
فمنسوب الفرح بيقل  
بياخدوا الحب بالمغاريف  
و يملوا مكانه كره وزيف  
باحس كأن قلبي مصيف  
تروح له م البشر أشكال  
بتغسل فيه سواد طينهم



تروح والفرحة في عيونهم

وترجع ناسية مشاكلهم

يعلوا قصور ويبنوها

وبأيديهم تاني يهدوها

خلاص لأنني حد مريض

منعت يدخل حد جديد

بحب بشكل مش معقول

واخاف بذهول

أنا اکتفیت خلاص بهم

بانا جي ربنا فيهم ليحميهم

ولا مرة تبات الدمعة في عينهم.

\*\*\*



## المسألة

افهم يا عم المسألة  
مين اشترى ومين اللي باع  
ومين اتضرب ومين اللي ضاع  
مين اللي حاصل ضربه ... جاب المنفعة  
ومين انحنى ومين اتكسر  
مين اللي هان ومين المهان  
مين اللي شاف أيام عجاف لما اتظلم  
مين اللي عاش جواه ألم  
افهم يا عم كفاية غم  
وافهم قوام ليسمَّعوك فات الأوان

\* \* \*



## ابكي

ابكي يلا خلي الكل يسمع صوتك  
ارفض الوحدة الي حالفة يوم ما تفوتك  
ليه رافض حد يسمع  
الصرخة في سكوتك  
ابكي شيل من على كتافك هم السنين  
ارمي ماسك الضحكة المليانة أنين  
ابكي وبكفاية تقول انك تمام  
اوعى تاني تبكي لوحدك كمان  
ابكي قول احنا أصحاب المكان  
إياك في يوم ترضى بأنصاف الأمان  
من الأرض دي كانت نشأتك واحنا كمان.  
ابكي ابكي عرفهم إنك إنسان

\*\*\*



## آه يا رحلة



آه يا رحلة طويلة وعندية  
فهما سواق قطرك عميان  
هامشي واروح  
واسيبك للي باقي ع المكان  
نقد صبري من طول بعدك  
وم اللي كان واللي جاي  
واللي عايشه من زمان  
وانا خلاني أرضى  
ولوجعك أقدر أصبر  
كل اللي شافني عندك  
قال لي ليه شكلك حزين  
مش عوايدك يا بني تبقى  
ع اللي باعك من سنين



لإمتى هافضل أدي  
وتاخدي مالي وقوت عيالي  
واعيش أستنى كرمك  
وفتات م اللي في حجرك  
خلاص قررت أسيبك  
وبسرعة أمشي أفارقك

\*\*\*



## أنا والباندا

أنا والباندا

أم فستان وفيونكة بامبه صحاب  
بيننا كلام كثير ما بيتقالش بين أغراب  
في عز خوفي باتطمئن أنا بنظرة عينها  
وحضنها الله عليه

شلال حنان وغرقت فيه

باسهر معاها

باشكي لها همي

باحكي لها فرحي

ويتبتسم لي

لما اترسم قدامها مرة

نظرة عينها كثير بتتغير

وكتير بالف وادور على قلب يشبه قلبها

دا لأنها بتفرح لفرحي

وتحزن لحزني



وبتنشغل لما انشغل عني

بأبعد عنها عيون كثير بتغير من حياها

وبيحسدوني على قريها

لما باحكي عن حضنها

وحنانها ورقة قلبها

باسمع كلام منها كثير

مش هاحكي لكم عنه

ودا لأنني باحياها

وباموت في يوم ما جبتها

\* \* \*



## برج الأسد

برج الأسد  
يعني إيه؟ يعني سد لأي حد  
دمنا شكله خفيف لكننا في الجد جد  
جنب الصديق في الضيق نسد  
اسمع يا صاحب العلل  
قلب الأسد يصغي إليك من غير ملل...  
كبرياءنا دا تاج رؤوسنا  
واللي يعاديننا ويبيجي مرة في يوم علينا  
راح يكون تحت مداسنا  
قاتلين بإيدنا كل خوفنا  
لكن القلوب مليانة رحمة  
هاديين قوي  
منعوتين بغرور عظيم ونرجسية  
ياما قالوا كتير علينا لكننا!! سيبيكو...  
سيبيكو ما علينا  
قالها مرة عظيم زمان  
هو من برج الأسد



إنه أكثر حد يبسمع ناسه

أيوة صحيح برجنا يبسمع لناسه

وييشرب الأحزان شربات في كاسه

شایل كمان عنده في راسه

ولا عمره يوم ينسى أساسه

موهوب كتير برج الأسد

شاعر ساعات

مطرب تلاقى

ممکن كمان رسام يكون

جواه أمل يسعدنا بيه

حضنه ككون وكمان حنون

يمكن يثور لكن صبور...

وف حبه حد كتير غيور دموعه سر لمخدته

دارت عليه وحفظته في الحزن هي صاحبتة

همه كبير ودايمًا أسير لفكرته

تخاف ساعات من قوته

لكنه بظلم ضعيف بتنزّل دمعه

هذا يا ناس برجي أنا برج الأسد

\* \* \*





## الفهرس

- 6..... من أكون؟
- 8..... يا حبيبتي
- 10..... سلام
- 11..... أنا أسرة
- 14..... يعني إيه؟!!
- 15..... أحد ومينا
- 16..... لو يسألوك
- 18..... هاكون ممنون
- 19..... في إشارة
- 21..... وحشتك؟
- 22..... أكلني إيه
- 24..... لغين يا دنيا
- 26..... يا عزيزي





- 28..... أنا ما لي؟
- 29..... يا عيون
- 30..... ليه يا قلبي
- 31..... باقدر أكلني
- 32..... مراكب الطوف
- 34..... والد حبيبتك
- 35..... سر السعادة
- 36..... نصيحة
- 37..... النائم
- 38..... مثلاً
- 40..... ساعات
- 41..... شاهد عيان
- 42..... شروق الشمس
- 44..... أنا العائل
- 45..... حالة



- 47..... أخويا
- 49..... أنا خفيت
- 51..... سؤال؟
- 53..... كفاية خلاصه
- 55..... شجرة الكلمات
- 56..... أنا أسطورة
- 58..... أسرار عذابي
- 60..... نبضة
- 61..... حبي اللي مات
- 63..... والد صدقت
- 64..... أختي وأخويا
- 66..... الوجع
- 67..... وحشتيني
- 69..... السلكات
- 71..... كابة المنظر



- 73..... أم الحبيب
- 75..... حلب
- 77..... رعد كلب الوفي
- 78..... باحب ربي
- 80..... صباح الخير
- 82..... كلمة باحبك
- 85..... أنا قدرت
- 87..... محمل جد
- 88..... عاززة أقول
- 90..... لسأ العلوب
- 91..... سامع يا ابني
- 93..... اسأل
- 94..... أنت قلبي
- 95..... أكتب حزين
- 97..... ساكتة ليه؟



- 99..... أنا والليلك
- 101..... وحشتني
- 103..... يا صاحبي
- 105..... باقول لك إيه
- 106..... كنوز
- 108..... حب مريض
- 109..... حبيبة بجد
- 111..... بجد خلاص؟
- 113..... المسألة
- 114..... أبكي
- 115..... آه يا رحلة
- 117..... أنا والباندا
- 119..... برج الأسد

\* \* \*

## أين تجد إصداراتنا:

### • القاهرة:

- المقر: الحيزة دائري- نزلة شارع القومية العربية- برج النور - الدور 8
- مكتبة عمر بوك ستور: ش طلعت حرب أعلى مطعم فلفلة.
- مكتبة ليلي: ش جواد حسني متفرع من ش قصر النيل وسط البلد.
- مكتبة ستيديج: ش المسلماني المنيل بجوار كوبري الجامعة.
- أقلام عربية: ميدان طلعت حرب
- فكرة: سيتي ستارز

### • الإسكندرية:

- مكتبة المعرض الإسلامي: ماكدونالدز – محطة الرمل.
- مكتبة بيت الكتب: جيلم.
- مكتبة الملاز: سابا باشا على البحر بجوار كلية الزراعة.

### • دمياط:

- مكتبة ألفا بيتيكا: بجوار صيدلية الأمل.

### • المنصورة:

- المكتبة العصرية: المشاية بجوار فندق مارشال.

○ بيت القصيد: ش الإيمان \_ حي الجامعة.

● **الفيوم:**

○ كريتييف بوك ستور.

● **عين شمس**

○ مكتبة لمحة

● **قنا**

○ آدم بوك ستور , فاميلي مول

📖 وتجدونها أيضًا أون لاين:

على الموقع العالمي جوميا

[www.jumia.com.eg](http://www.jumia.com.eg)

في كل مكان في العالم

وأونلاين على رقم 35431589